



**AXUDAS Á MOBILIDADE PREDOUTORAL PARA REALIZAR NO ANO 2018 ESTADÍAS BREVES
EN CENTROS DE I+D PARA OS CONTRATADOS PREDOUTORAIS FPI DA CONVOCATORIA 2015**

A Universidade da Coruña publica a convocatoria de axudas á mobilidade predoutoral para realizar no ano 2018 estadías breves en centros de I+D, de acordo co artigo 5.4 da Resolución do 5 de xuño de 2015, da Secretaría de Estado de Investigación, Desenvolvemento e Innovación pola que se aproba a convocatoria correspondente ao ano 2015, das axudas para contratos predoutorais para a formación de doutores (BOE 12/06/2015).

Estas axudas están dotadas cunha contía de 4.750 euros por cada investigador contratado para as estadías que desenvolvan durante a súa etapa predoutoral e serán imputadas á partida orzamentaria 0500510004 541A 48003.

OBXECTO DAS AXUDAS

Financiar a realización de estadías no ano 2018 en Centros de I+D diferentes aos que estean adscritos co fin de realizar actividades beneficiosas para mellorar a súa formación e impulsar o desenvolvemento da súa tese de doutoramento. As estadías deberán asegurar un grao de mobilidade e/ou internacionalización que non se acadase por formación académica anterior ou por outros factores como a residencia ou nacionalidade e en ningún caso poderán ocasionar un atraso na finalización dos estudos de doutoramento.

As axudas poderanse solicitar para estadías noutros centros de I+D, públicos ou privados, incluíndo empresas, estranxeiros ou españois, sempre que os centros estean situados nunha localidade distinta á do centro en que desenvolve a súa actividade.

As estadías terán unha duración mínima de dous meses e máxima de catro meses, e deberanse realizar nun único período dentro do ano 2018.

As axudas, das que se beneficiarán unicamente durante a vixencia do contrato predoutoral, comprenden dous conceptos: a axuda para a estadía, destinada a gastos de aloxamento e manutención, e a axuda para a viaxe, destinada a gastos de locomoción. As contías son as indicadas no artigo 5.4 da Resolución do 05/06/2015 citada.

O 70% da axuda farase efectiva á persoa interesada antes do comezo da estadía. O 30% restante aboarase unha vez presentada na Sección de Xestión de Convocatorias do Servizo de Investigación a documentación xustificativa da realización da estadía.

O persoal investigador en formación que se desprace ao estranxeiro ao abeiro desta convocatoria disporá dun seguro de accidentes e de asistencia médica contratado pola UDC naqueles casos en que o desprazamento sexa a países en que non teña validez a tarxeta sanitaria europea. O custo do citado seguro imputarase á dotación para a estadía de cada investigador contratado predoutoral.

A axuda para o aloxamento e a manutención no marco desta convocatoria é incompatible coas obtidas para o mesmo fin en calquera outra convocatoria de entidades públicas ou privadas.

Rúa da Maestranza, 9 15001-A Coruña.
T 981 167 003 F 981 167 011
vpcit@udc.gal www.udc.es

Código Seguro De Verificación	wNinZyFIS8YPR/u+SSjstg==	Estado	Data e hora
Asinado Por	Vicerr. de Política Científica, Investigación e Transferencia Salvador Naya Fernández	Asinado	17/11/2017 13:26:40
Observacións		Páxina	1/2
Url De Verificación	https://sede.udc.gal/services/validation/wNinZyFIS8YPR/u+SSjstg==		



REQUISITOS

Ser beneficiario das axudas predoutorais para a formación de doutores (FPI) do Ministerio de Economía y Competitividad da convocatoria 2015 segundo a Resolución do 12/11/2015 da Secretaría de Estado de Investigación, Desarrollo e Innovación pola que se conceden axudas para contratos predoutorais para a formación de doutores.

PRAZOS PARA A PRESENTACIÓN DE SOLICITUDES

As solicitudes presentaranse no Rexistro Xeral da Universidade da Coruña (Rúa Maestranza, 9 -15001 A Coruña); Rexistro Auxiliar do Campus da Zapateira, Local nº 1 (Baixo) da Facultade de Ciencias -15071 (A Coruña); ou no Rexistro do Campus de Ferrol (Rúa Dr. Vázquez Cabrera, Esteiro -15403 Ferrol) ata as 14.30 horas do día 1 de decembro de 2017.

DOCUMENTACIÓN REQUIRIDA

- Solicitud segundo o modelo da UDC
- Memoria segundo o modelo do MINECO
- Currículo (formato libre)
- O documento de aceptación do centro en que se desenvolverá a estadía será entregado antes do inicio da estadía para proceder ao pagamento.

ÓRGANOS COMPETENTES E CRITERIOS DE SELECCIÓN

A Comisión Permanente da EIDUDC avaliará as solicitudes para o que terá en conta o informe do director de tese e os criterios de mobilidade e/ou internacionalización para a mellora da formación e o impulso do desenvolvemento da tese de doutoramento.

RESOLUCIÓN DA CONVOCATORIA

A resolución da convocatoria será publicada na páxina web da Vicerreitoría de Política Científica, Investigación e Transferencia.

A Coruña, 17 de novembro de 2017.

Máis información:
Sección de Xestión de Convocatorias
e Axudas a Investigadores
ESCI - ELVIÑA
coordinacion.investigacion@udc.gal
Tfno: 981167000, ext.: 5761 e 5762

Salvador Naya Fernández
Vicerreitor de Política Científica,
Investigación e Transferencia

Rúa da Maestranza, 9 15001-A Coruña.
T 981 167 003 F 981 167 011
vpcit@udc.gal www.udc.es

Código Seguro De Verificación	wNinZyFIS8YPR/u+SSjstg==		
Asinado Por	Vicerr. de Política Científica, Investigación e Transferencia Salvador Naya Fernández	Estado	Data e hora
Observacións		Asinado	17/11/2017 13:26:40
Url De Verificación	https://sede.udc.gal/services/validation/wNinZyFIS8YPR/u+SSjstg==		
		Páxina	2/2

